



U Lukavcu uhapšen muškarac: U pretresu kuće pronađene puške, ručni bacač, bombe i droga

04/02/2026 | 10:35



Policijski službenici Odjeljenja kriminalističke policije Policijske uprave Lukavac jučer su na području Lukavca, uz asistenciju policijskih službenika Policijske stanice Lukavac i Jedinice policije za specijalnu podršku Uprave policije MUP-a TK, proveli pretres kuće, pomoćnih objekata i dvorišta koje koristi A.S. (1994) iz Lukavca.

Pretres je izvršen po naredbi Općinskog suda u Lukavcu.

Tokom akcije pronađena je i privremeno oduzeta veća količina oružja i drugih predmeta, među kojima su dvije puške, okvir za automatsku pušku, ručni bacač, više komada protugradnih raketa, kao i veća količina municije različitih kalibara za automatsko, poluautomatsko i lovačko oružje. Također su pronađeni i ručna bomba, dvije lovačke kamere, dvije vrećice sa crvenom materijom koja svojim karakteristikama asocira na eksploziv, te četrnaest pakovanja sa sadržajem biljne materije koja svojim izgledom asocira na opojnu drogu.

U pretresu su oduzeti i aparat za vakumiranje, kao i drugi predmeti koji će biti korišteni u dokaznom postupku, dok će oduzete materije biti predmet vještačenja.

Osobi A.S. oduzeta je sloboda, a danas je, 4. februara 2026. godine, nakon kriminalističke obrade, uz Izvještaj o počinjenom krivičnom djelu predat Kantonalnom tužilaštvu Tuzlanskog kantona na dalje postupanje.

A.S. se sumnjiči da je počinio krivična djela nedozvoljeno držanje oružja ili eksplozivnih materija iz člana 371. Krivičnog zakona Federacije Bosne i Hercegovine, te neovlaštena proizvodnja i stavljanje u promet opojnih droga iz člana 238. istog zakona.

HAPŠENJE

UPRAVA POLICIJE MUP-A TK

Tuzlainfo.ba pratite na društvenim mrežama: [Facebook](#), [Instagram](#) i [Youtube](#).

Svoje priče, upite i fotografije šaljite na našu [e-mail adresu](#).

Preporučujemo

Najnovije

Pljušte optužbe: Smjena direktora Pošte u Tuzli uzdrmala koaliciju SDP-a i NiP-a

Dogovoren iznos: Radnici u FBiH mogu dobijati po 300 KM pomoći mjesečno

Decenijama stiže, a otvaranje sve bliže: Gdje će Lidl imati prodavnice u TK?

Počinja naplata parkinga na još jednom parkiralištu u Tuzli

Milijarde za druge, simbolika za TK: Ovo su petogodišnji podaci o ulaganjima u ceste u FBiH